

Iu-Mienh Jiu-baang Nyei Jauv-Louc

Siang-Lomaa nzaangc

yiub myenb Jiub paav Eei Jaub Irug -- Loz-Lomaa nzaangc

ยิว-เมี่ยน จิว-ปาง เญย เจ้า-โหล่ว - Janx-Taiv nzaangc

ยิว-ม่วน จิว-บาว เยีย เจ้า-ไทลั่ว - Janx-Laauv nzaangc

ประวัติศาสตร์คริสตจักรยิวเมี่ยน - Janx-Taiv waac

Naaiv buonv sou se faan “Iu-Mien Church History” daaih

Naaiv buonv sou gorngv taux yietc zungv mienh maaih buonc juangc jienv zoux nyei gong buangh zuqc nyei jauv-louc tengx lu-mienh Jiu-baang hlo hiaangx, jiex gorn yiem 1920 daaih.

Leiz, Zanx-Hiaang Fin-Saeng (Charley W. Callaway, Jr.)
Fiev sou caux dimv zaah sou

Caux jienv ziex dauh Giduc mienh, ziex dauh haengh douh,
aengx caux jienv ziex dauh pongh youv doic duqv bun zaqc eix
tengx jienv fiev naaiv buonv sou.

Faan waac mienh se Zeuz, Daqv-Fin; Bienh, Meix Siouc;
Dangc, Gueix-Liemh; Bienh, Cindy; Leiz, Meix Fin;
caux Leiz, Saan Buv

**Copyright © 2020 by Mien Christian Mission Fellowship (MCMF)
P.O. Box 5467, Richmond, CA 94805**

Naaiv buonv sou se faan “lu-Mien Church History” daaih

**Leiz, Zanx-Hiaang Fin-Saeng (Charley W. Callaway, Jr.)
Fiev sou caux Dimv zaah sou (Compiler & Editor)**

Printed in

ISBN:

All rights reserved solely by the copyright owner. The owner guarantees all contents are original and do not infringe upon the legal rights of any other person or work. No part of this work may be reproduced in any form without the permission of the copyright owner. However, permission is automatically granted for the quotation of not more than 2 pages or 6 paragraphs when acknowledgement of the source is given.

Naaiv buonv sou se oix fongc horc bun taux daauh baan goiv hnyouv sienx Tin-Hungh nyei lu-Mienh.

Ninh mbuo siev kuh yiem nyei yiem-laamz cuotv daaih sienx Tin-Hungh hnangv zinh ndaangc yiem Hipv^lu Ging-Sou ziepc-yietv zaang wuov deix Yiutai mienh nor.

_____³³ Weic ninh mbuo maaih sienx fim, zioucduqv zipv Tin-Hungh laengz bun nyei buonc. ...weic haih nangh daaih duqv gauh longx nyei maengc.....³⁶ Maaih deix zuqc mienh guatc doqc jatv, zuqc biaav-bin mborqv. Aengx maaih deix zuqc limc ndoh jienv yaac zuqc wuonx loh..... Naaiv norm baamh gen zungv maiv puix ninh mbuo yiem..... (Hipv^lu 11:33-39)

Laengz Zingh Waac

Yie gengh laengz zingh saauv maiv zienz jiex gorn tengx yie wuov deix mienh, caux maaih hnyouv oix tengx mv baac maiv gaengh tengx nyei mienh. Yie gengh dor-ziec Tin-Hungh weic meih mbuo dauh dauh. Yie nyei sieqv, Joyce Callaway Nicholson cuotv za'eix longc fangx zoux sou-ndopv nyei mou zeiv. Sou-ndopv nyei fangx maaih deix yie ganh nqaapv daaih, mv baac gauh camv nyei ganh dauh bun daaih. Yie oix zorqv naaiv deix fangx, caux jienv yie maaih camv haic nyei fangx tipv bieqc naaiv buonv sou. Yiem naaiv mingh, se gorngv yie hiuv nyei wuov deix, yie oix fiev jienv nqaapv fangx mienh nyei mbuox weic laengz zingh ninh mbuo.

Leiz, Zanx-Hiaang Fin-Saeng (C W Callaway, Jr.) - Zih hlaax (Saeng-hmz) 5, 2017

Iu-Mienh Jiu-baang Nyei Jauv-Louc

Sou Nyei Orn-Mbah

Zaang	Hnyangx	Hoc-daaub	Pin
		Hoc-daaub, fongc-horc, sou orn-mbah, Jiex gorn porv mengh waac	1
1	1938	Esie Deic-bung Iu-Mienh Jiex gorn nyei jauv-louc	6
2	1950-1959	Taiv-Deic Jiex gorn nyei jauv-louc <u>Haengh Douh:</u> Leiz, Zanx-Hiaang mbuo, Bienh, Gueix-Mengh mbuo, Faamh Fin (Lorz, Jau Su), Muangz Dorc (Baah, Jau Su) <u>Mienh nyei zorn-g-zengx:</u> Bienh, Gueix-Cing <u>Jiu-baang:</u> Mae^sa^lorng <u>Gong:</u> Mienh nzaangc + Njaaux Mienh nzaangc	14
3	1960-1969	Ziepc yietv hnyangx faaux maengx nyei Taiv-Deic Giduc Mienh <u>Haengh Douh:</u> Bienh, Gueix-Fuqv mbuo; Bienh, Fuqv-Cing mbuo; Zeuz, Naix Luangh; Feix Orn; Bienh, Fuqv-Gueix; Bienh, Fuqv-Luangh mbuo. <u>Mienh nyei zorn-g-zengx:</u> Dangc, Ngingv Zou; Dangc, Fuqv-Zanx Zou; Leiz-Jana, Ngingv Meix caux ninh nyei sieqv; Naix caux Faam Fou; Jingv Karunawong; Meix Seng; Leiz, Yauz-Orn mbuo; Zeuz, Fuqv-Zanx; Gauv Zou; Cengx Buv; Yangh, Zong Linh; Koiv Linh <u>Jiu-baang:</u> Mbor Si Liemh; Hueiv-Gangc Baax; Norngx Waenh; Lomh Yen <u>Gong:</u> Faan Ging Sou; Dimv Nzaangc Sou	62
4	1970-1979	Taiv-Deic caux Laauv-Deic Giduc Mienh <u>Haengh Douh:</u> Naomi Crabtree; Leiz, Zaih Jien <u>Mienh nyei zorn-g-zengx:</u> Bienh, Meix Siouc; Zeuz, Yunh Jien; Zeuz, Yunh Fuqv Gueix; Zeuz, Gueix-Zunh; Zanh, Wuonh Fuqc Kuon; Dangc, Gueix-Liemh; Leiz, Fuqv-Jiem; Leiz, Jiem-Wangc Mengh; Leiz, Yauz-Zanx; Leiz, Yauz-En; Yaangh, Jiem-Seng Linh; Zeuz, Daqc Ciangh mbuo; Zeuz, Daqv Fin; Zeuz, Gueix-Zoih; Leiz, Yauz-Fuqv; Naix Dorngh Lertsirikarn; Leiz, Jiem-Hinv caux Zeuz, Meix Seng; Zanh, Gueix-Fongc; Meix Siouc Silosan; Saan Foux Liouh; Zanh, Goiv Mengh <u>Jiu-baang:</u> Nam Gengx caux Hueiv-orc; Maeh Mbongv; Niqv^khom; Khlong Lan; Seattle, WA, USA <u>Gong:</u> 3 norm horqc saeng biauv; Taiv-Guoqv Mienh lunx mienh nyei wuic	
5	1980-1989	Giduc Iu-Mienh Yiem Siec Norm Guoqv	
6	1990-2000	Ih Zanc Yiem Hietc Norm Guoqv Gormx Lung Ndiev	

Lu-Mienh Jiu-baang Nyei Jauv-Louc

Meih haih tengx nyei fai ???

Maaih ziex buonc hmuangv doic caux a'ziaauc doic, siev ninh mbuo jaaix haic nyei ziangh hoc tengx yie taux ih zanc. Mv baac naaiv buonv sou jiex gorn porv mengh waac, caux da'yietv zaang nyei waac, ei loz-hnoi fiev njiec daaih nyei sou, ei jienv Helen Cox nyei hnyouv-jangx (ninh nyei dorn Ndaa^witv yaac tengx camv) caux jienv yie ganh nyei hnyouv-jangx fiev daaih. Ih zanc Helen duqv 99 hnyangx, yie yaac duqv 100 hnyangx aqv. Zinh ndaangc 1950 wuov deix lengc jeiv tengx lu-Mienh nyei haengh douh guei seix nzengc mi'aqv, zengc yie mbuo i dauh maaih maengc ziangh hnangv. M'nqorngv-famv jangx nyei qaqv caux sin-sei yaac hei jienv njiec aqv. Hnamv daaih zinh ndaangc goiv hnyouv sienx Ziouv Yesu wuov deix mienh yaac maiv maaih yietc dauh ziangh yiem naaiv lungx ndiev aqv.

Se gorngv Tin-Hungh buac yie puix duqv nor, m'nziex yie corc haih tengx duqv deix nyei. Mv baac yie hnamv daaih yie lorz maiv nzoih yietc zungv ziex ziepc hnyangx jiex daaih longx haic nyei lu-Mienh gouv-nyinh gorngv taux goiv hnyouv sienx Ziouv Yesu nyei jauv-louc, yiem 1960 wuov hnyangx taux ih jaax hnoi aqv.

Hnangv naaic yie tov meih mbuo lu-Mienh, haengh douh, caux jienv ziex dauh a'nziaauc doic maaih gouv-nyinh nor, dorh daaih bun yie fai bun tengx yie zoux naaiv buonv sou nyei mienh. Yie mbuo qiex zuqc meih mbuo tengx fiev, tengx mborqv nzaangc, tengx zaah nzaangc, tengx dimv caux faan naaiv deix sou.

Yie ziepc zuoqv hnyouv dauh gaux weic bun naaiv deix loz-hnoi nyei gouv-nyinh haih tengx mienh lunx mienh caux mienh gox mienh goiv hnyouv fongc horc ninh mbuo nyei maengc bun mbuo njang-laangc haic nyei Ziouv Yesu Giduc, yaac bun Kuv Fienx mingh taux norm-norm lu-Mienh yiem nyei dorngx, taux maaih cien nitv mbuo lu-Mienh wuov deix fingx janx duqv njoux bieqc Tin-dorngx guoqv.

Leiz, Zanx-Hiaang (C W Callaway) 2016 wuov hnyangx fiev daaih

Gorngv taux hnavg haaix nor fiev “lu-Mienh” wuov joux waac

Iu-Mien (se Iu-Mienh longc siang-Lomaa nzaangc) benx yietc norm mbuox dongh Janx-Kaeqv zorqv zixx fingx Mienh guanh gaapv daaih juangc norm mbuox heuc “Yao.” Weic Iu-Mienh oix zoux daaih hung h heic nyei, ninh mbuo oix heuc ganh zoux “Mienh.” Yie longc naaiv joux waac gauh camv deix yiem naaiv buonv sou.

Jiex daaih “Mienh” naaiv joux waac fiev daaih tengx maiv haih doqc Mienh waac wuov deix haih gorngv duqv horpc sing-qix. Haih doqc Mienh nzaangc nor, Iu-Mienh nyei mbuox fiev ei siang-Lomaa nzaangc, mv baac oix zuqc longc jienv hlaax-jiemc dimv porv mengh. Nyungc zeiv se gorngv meih fiev loz-hnoi Taiv-deic siang-sienx Tin-Hung h nyei Mienh nyei mbuox nor, meih oix zuqc hnavg naaiv nor fiev, Bien Gway Ching (Bienh, Gueih-Cing).

Oix hoqc taux Iu-Mienh nzaangc, liemh porv mengh, hnavg haaix nor fiev, caux gorngv horpc sing-qix nyei jauv nor, tov doqc mangc naaiv buonv sou “*An Iu-Mienh English Dictionary with Cultural Notes*” yiem sou-gorn porv mengh waac (xv-xxxix) wuov pin. Gueix-Fuqv Fin-Saeng (Dr. Herbert C. Purnell) fiev ziangx longc yienx nqaapv jienv 2012 wuov hnyangx. Ninh longc Silkworm Sou-Poux tengx zoux naaiv buonv sou, Yiem Chiang Mai (Zingh Maix, Taiv-Deic) caux Lao Studies, San Francisco (hoqc hiuv taux Janx-Laaub nyei gorn, yiem San Francisco).

Jiex gorn porv mengh taux

Iu-Mienh Siex Yesu Nyei Jauv-Louc

Duqv ziex cin hnyangx jiex daaih aqv, loz-hnoi Iu-mienh zoux cuotv camv-diuh gouv-nyinh. Maaih deix ei loz-hnoi gengh maaih cuotv daaih nyei jauv-louc, mv baac naaiv se aqc duqv zaah dimv taux haaix diuh zien fai maiv zien. Naaiv deix gouv-nyinh douc jienv mingh gau yietc nzengc zoux benx loz-hnoi nzung daaih baaux. Naaiv deix gouv-nyinh tiuv jienv mingh gau, maaih ziex diuh fi'hangv nyei, mv baac maaih deix ganh nyungc deix. Maaih gouv-nyinh gorngv taux juv benx Iu-Mienh nyei ong-taaix, jiex mbiungc-suiv-imx, piu-yiuh jiex koiv, caux jiex-sen borngv, maaih camv nyei hhangv naaiv deix nor.

Iu-Mien (Iu-Mienh se benx ninh mbuo nyei lengc jeiv mbuox yiem "Yao" wuov guanh gu'nyuoz, fai hhangv Iu-Mienh wuov guanh) jiex gorn yiem taux ih zanc daaih benx yiem mbong nyei mienh. Taux ih jaax hnoi maaih mienh camv corc yiem wuov E[^]sie Deic mbong zaangc dorngx. Gauh camv nyei (yietc baeqv waanc faaux maengx) corc yiem Naamh Bung Zong Guoqv nyei juqv norm Saengv. Aengx maaih ziex cin faatv nzaanx bun nqoi yiem Baqv Bung Janx-Zei Guoqv, Laauv-Guoqv caux maaih deix yaac yiem Taiv-Guoqv.

Daaub guanh, Baqv Bung Taiv-Deic Iu-Mienh goiv hnyouv siex Ziouv Yesu yiem 1950 mingh taux 1960, gauh camv nyei yietc nzengc yiem nitv mbong fai yiem mbong zaangc nyei dorngx. Ninh mbuo funx ganh zoux mbong zaangc nyei Iu-Mienh. Hhangv naaic, jiex gorn naaic douc ziangh hoc mienh camv oix haic naaiv diuh nzung longc Janx-Kaeqv nyei nzung-qiex baaux.

- 1 Mbong zaangc Iu-Mienh, goiv hnyouv siex Ziouv.
Zipv zuqc Njoux Ziouv, yietc liuz ziangh jienv.
Camv-camv daux gaux, ziouc buangv eix.
Caux Ziouv jiu-tong, buangv nzengc baengh orn.
- 2 Lungh ndiev mienh maanh, yietc zungv zuiz-mienh.
Laanh oix njoux laanh, yaac maiv haih njoux.
Kungx maaih Yesu, njoux zuiz-mienh.
Mienh maiv maaih za'eix Yesu maaih za'eix.
3. Mbuox lungh ndiev mienh, nzoih juangc jauv yangh.
Yesu dongh jauv, ken zuiz-mienh faaux daaih.
Gamh nziex nyutc zeiv haih nitv fatv,
Mbuox meih mbuo, Maiv dungx ngaengc Ziouv nyei leiz.

Naaiv diuh nzung yiem Buoqc Zangc Ziouv Nyei Nzung #181, Beu sou nyei leiz 2001.

Da'yietv Zaang

1938 - Dong Bung E^sie Deic-Bung lu-Mienh Jiex Gorn Nyei Jauv-Louc

Yie lorz duqv nyei gengh zoqc haic, duqv norm baav sou gorngv taux loz-hnoi haengh douh zoux gong yiem E^sie Guoqv tengx lu-Mienh yiem 1900 hnyangx-gorn nyei ziangh hoc. Yiem 1920 wuov douc hnyangx-dauh maaih fiev njiec sou gorngv CIM caux C&MA haengh douh zoux gong tengx "Yao" wuov fingx mienh yiem Guangxi Saengv, Zong Guoqv Deic-Bung mienh se benx lu-Mienh. Mv baac Bienh, Gueix Fuqv Fin-Saeng (Dr. Purnell) benx yietc dauh doqc sou hoqc taux lu-Mienh nyei gouv-nyinh, henv zeiv gouv nyei jauv-louc. Ninh yaac hoqc taux lu-Mienh, caux dongh maaih cien nitv lu-Mienh wuov guanh Mienh. Yiem 2011 wuov hnyangx ninh fiev fiex daaih porv mengh mbuox yie naaiv guanh yiem Dong Bung Guangsi Saengv se benx Biau Min (fai Ao Yao fingx).

Sylvia Lombard (Lorh, Faam Fin, heuc yie fiev gorngv taux ninh nyei maengc yiem da'nyeic zaang), mingh nziaauc Banmethuot (Mbun^mae^tuotc) Laangz, Naam Bung Janx-Zei Guoqv Deic-Bung, yiem Ziepc Nyeic Hlaax 1959 mingh taux Zih hlaax 1960. Faah Hlaax 1962 wuov hnyangx ninh fiev zeiv sou-fienx, gorngv taux ninh mingh nziaauc duqv buangh zuqc lu-Mienh nyei jauv-louc, hoc-dauh gorngv "A Feeble flame (Hnganx Nyei Douz-Mbietc) an jienv OMF nyei sing-wuonh fiex sou heuc "East Asia Millions (Dong Bung E^sie nyei Ziex Ziux Mienh). Ninh yaac porv mengh taux Baqv Bung Janx-Zei Guoqv lu-Mienh sienx Yesu jiex gorn nyei jauv-louc hngangv naaiv gorngv:

"Yiem 1938 wuov hnyangx maaih yietc baeqv lengh Yao (lu-Mienh) yiem Baqv Bung Tonkin deic nyei Baqv Bung Janx-Zei Guoqv, goiv hnyouv sienx Tin-Hungh. Tin-Hungh dau yiem Lang Son nyei ziex hnyangx caux ziex dauh haeng douh daux gaux nyei waac. Nqa'haav naaiv deix mienh aengx buangh zuqc deic-bung faanv, mborqv domh jaax. Naaiv deix lu-mienh se hngangv haaix nor mi'aqv? Wuov norm hnganx nyei zingh ginx douz daic mi'aqv fai?"

"Dongh Faam Fin mingh nziaauc fungx bun Naamh Bung Janx-Zei Guoqv Mienh wuov deix siou waac hlaang caux fiex corc haih nqoi biangh ziangh biouv nyei fai? Baqv Bung Taiv-deic sienx Tin-Hungh lu-Mienh corc maaih ziepc zuoqv hnyouv mangc jienv mouz deic zunh kuv fiex bun dingx laaih Mienh nyei fai? Ninh mbuo mau yaac mau liuz aengx maaih Gongx Ciangv gunv jienv hngangv dongh linh gan jienv ninh mbuo jiex Taiv-deic gapv-jaaix cienh jienv ninh mbuo yiem. Se gorngv aengx maaih mborqv jaax nyei jauv, ninh mbuo corc sienx duqv wuonv nyei fai? M'nziex ninh mbuo aav lamh daic nyei douz mbietc gengh daic mingh hngangv duqv jiex daaih wuov deix fai? Naaiv deix waac-dau se yiem Tin-Hungh lorz duqv ziepc zuoqv hnyouv mienh daux gaux tov Tin-Hungh nyei qaqv njoux ninh mbuo hngangv. 'Tin-Hungh maiv oix haaix dauh zuqc mietc,' Wuov nyungc mbuo ni? Oix mienh duqv njoux nyei fai?"

Se gorngv Faam Fin (Sylvia) corc maaih maengc ziangh jienv nor, hnamv daaih ninh gengh a'hneiv orn-lorqc haic weic zuqc maiv gunv jiex daaih deic-bung faanv mborqv domh jaax, tiuv jien jaa, mv baac corc maaih jiu-baang taux ih jaax hnoi daaih. Hnamv daaih naaiv se weic ziex dauh tengx daux gaux tov Tin-Hungh ziux goux yiem wuov nyei jiu-baang.

Duqv i hlaax nyieqc jiex daaih maaih i dauh a'nziaauc doic mbenc jienv mingh naaiv deix dorngx, yie ziouc tov ninh mbuo tengx yie lorz deix lu-Mienh Jiu-baang nyei jauv-louc mbuox yie. Ih hnoi Zih hlaax 2, 2017, yie gengh a'hneiv orn-lorqc duqv haiz longx haic nyei Mienhwaac fienx gorngv taux naaic norm Jiu-baang. Jiex mingh i ziex pin, yie nzutv jienv fiev gorngv taux Tin-Hungh corc hnanv haaix nor zoux jienv ninh nyei kuv gong yiem Janx-Zei Guoqv wuov buoqv dorngx.

Yie oix mienh muoz hiuv oc: Yie gengh buangv hnyouv buangv eix laengz zingh yiem ziqc koiv zoux gong nyei mienh, juangc jienv lorz naaiv deix sienx Yesu lu-Mienh nyei jauv-louc daaih bun yie. Mv'baac weic yie oix tengx gem jienv naaiv deix mienh caux ninh mbuo nyei gong, yie cingx maiv fiev ninh mbuo nyei mbuox, weic zuqc 2017 naaiv hnyangx corc maaih naaiv deix mienh ziangh jienv nyei.

Yesu Jiu-baang Mienh nyei jauv-louc yiem Baqv Bung Janx-Zei Guoqv Bac Son (Baqv Sern) wuov wuonc dorngx.

Janx-Zei Guoqv maaih ziex norm saengv mv baac Yesu Mienh yietc nzengc yiem zuqc i norm saengv: Cao Bang (Gaau Mbaangh) caux Lang Son (Laangh Sern). Naaiv deix i norm saengv nyei gapv-njaaix gapv doic yiem Baqv Bung mba'hnoi cuotv maengx Janx-Zei Guoqv caux Baqv Bung Guangxi Saengv, Zong Guoqv deic-bung nyei gapv-njaaix. Daauh dauh Sienx Yesu Mienh yiem Bac Son (Mbaqv Sern) Buonv-Deic Lang Son Saengv. Mangc doix-ngaanc ndau-beih fangx buac naaiv deix i norm saengv nyei ndau-beih gapv-jaaix aqv.

Dorh mienh mingh nziaauc nyei Janx-Zei gong-mienh fiev an ninh mbuo nyei (Website) gorngv: *“Bac Son yiem-lamz yiem zuqc Lang Son Saengv hiaang-cun nyei dorngx, Baqv Bung mba'hnoi-cuotv maengx Janx-Zei guoqv. Yiem Baqv Bung mba'hnoi cuotv maengx, leih Hanoi 160 km (Gilo) nyei dorngx, maaih domh mbaengx caux hlang haic nyei mbong 500 lorz 1200 meters nyei dorngx yuoqc mienh mingh nziaauc. Oix mangc mbong caux lingh baengh nzueic haic nyei sen-suiv fangx nor oix zuqc nyornng faaux taux gu'nguaaic mbong-ningv cingx duqv buac. Naaiv deix mbong leih laangz yietc i norm buon hnanv taux aqv.”*



Yie oix porv mengh ga'ndiev naaiv deix sou maiv zeiz yietc joux-yietc-joux nyei waac ei nzengc yie zipv duqv daaih nyei sou, mv baac benx yie nzutv zunv gorngv nyei fienx. Ei daauh dangh fiev njiec nyei sou nor m'nziex longc Janx-Zei waac fai Zong Guoqv waac fiev daaih. Maaih deix mbuox longc Janx-Zei Janx nyei mbuox, maaih deix longc lu-Mienh nyei mbuox.

1937 “Jaav-Hungh”

Ndaangc maengx 1937 Janx-Zei Guoqv, maiv maaih lu-Mienh hiuv duqv Tin-Hungh; yietc zungv zaangc mienv hnangv. Yiem 1937 mingh taux 1938 nyei hnyangx-daaub maaih dauh Janx-Ba'ei (Tai Lue fai Shan) m'jangc dorn mbuox heuc Nyim. Ninh duqv faah ziepc hnyangx nyei dorngx hnangv, mv baac ninh mbuox mienh gorngv ninh se zoux lu-Mienh nyei hungh, nduov duqv camv-dauh mienh zoux ninh nyei sai-gorx. Yiem 1939 wuov hnyangx naaiv dauh jaav-hungh, Nyim, caux ninh nyei i dauh lu-mienh sai-gorx, Dangc Duc Long caux Dangc Duc Thua zuqc hungh jaa zorqv ninh mbuo wuonx loh. Liuz maiv nangc lauh hungh jaa bungx ninh nyei i dauh sai-gorx cuotv mv baac Nyim corc zuqc wuonx jienv loh. Naaiv deix sic maiv gaengh cuotv nyei ziangh hoc, Yesu Mienh caux Haengh Douh Guanx nyei gorn (C&MA) zungv dorh Kuv Fienx mingh taux Lang Son ndaangc mi'aqv.

Lorz Buatc YESU HUNGH, 1938 Wuov Daaih Taux Ih Zanc.

Nqa'haav maiv nangc lauh maaih deix lu-Mienh buangh zuqc sienx Yesu nyei fin-saeng gorngv mbuox ninh mbuo, Janx-Ba'ei, Nyim gorngv-baeqc nduov ninh mbuo hnangv. Nyim maiv haih bun orn-lorqc ninh mbuo, kungx Tin-Hungh haih hnangv. Kungx Ziouv Yesu Giduc nduqc dauh haih njoux caux bun meih mbuo duqv yietc liuz nyei maegc hnangv. Fin-Saeng mbuo dorh naaiv deix mienh mingh Lang Son (Laang Sern) nyei leiz-baaix dorngx njaaux Kuv Fienx ninh mbuo. Njaaux liuz, naaiv deix mienh tov Fin-Saeng nzuonx Bac Son laangz njaaux Kuv Fienx bun laangz zaangc mienh hiuv duqv Ziouv Tin-Hungh.

Lungh ndiev Mborqv Domh Jaax da'nyeic nzunc, 1940 taux 1945.

Yie hnamv maiv hiuv weic haaix diuc Janx-Zei Guoqv naaiv deix sou-daan youc maiv gorngv yietc deix taux mborqv jaax nyei jauv-louc. Hnamv daaih Janx-Yih^Bun baeng mborqv bieqc gunv jienv Janx-Zei Guoqv wuov zanc, maaih zix nyungc kouv haic nyei naanc zingh hoic naaiv deix sienx Yesu mienh. Yiem 1940 wuov zanc maaih zix nzunc Janx-Yih^Bun baeng longc cie caux cie-ndaix mborqv bieqc Janx-Zei Guoqv. Janx-Yih^Bun baeng maaih i nyungc za'eix, da'yietv se dangv cie-douz nyei jauv maiv haih bienh jaax-sic cuotv Hanoi, Janx-Zei Guoqv mingh Kun Mingh, Yunnan Saengv, Zong Guoqv Deic-Bung wuov. (Kun Mingh se nqa'haav yie caux hmuangv doic mingh yiem douc yiem 1948 taux 1949 wuov hnyangx.) Janx-Yih^Bun baeng aengx buonv Baqv Bung mba'hnoi cuotv maengx nyei cie-douz yiem Hanoi mingh taux Guangxi, Zong Guoqv Deic-Bung wuov diuh jauv. Naaiv diuh cie-douz jauv yaac gaatv jiex Long Son Saengv deic, Janx-Zei Guoqv. Wuov zanc mborqv norm domh jaax heuc, “Long Son Mborqv Jaax Ciangv,” yiem zuqc daauh baan lu-Mienh goiv hnyouv sienx Yesu wuov buoqv ndau. (Naaiv deix sou-muotc se yiem Wikipedia Encyclopedia sou gorngv taux “Janx-Yih^Bun Mborqv Bieqc Zorqv Faac Guoqv gunv njiec nyei buo norm Deic-Bung,” Janx-Zei Guoqv, Laauv Guoqv, caux Ka'Menx Guoqv nyei Deic-Bung (Indochina)).

M'baac yie oix zuqc daaux nqaang gorngv ei jienv yie zipv daaih nyei jauv-louc mingh:

Yiem Cietv Hlaax nyeic-ziepc, 1940 wuov hnyangx, weic Tin-Hungh nyei en maaih i dauh lu-Mienh heuc Dangc Van Haeh caux Dangc Dac Theix dorh jienv Giduc nyei haengh douh, Van Hine caux jienv Lo Van Nen (Lo Wan Nen) fin-saeng mingh Bac Son Saengv. Naaiv deix haengh douh gengh a'hneiv orn-lorqc haic weic duqv lu-Mienh yiem 6 norm mingh taux 8 norm laangz zipv sienx Tin-Hungh. Dongh naaic hnyangx Cietv Hlaax Nyeic-Ziepc Juov wuov hnoi, Van Hine caux Lo Van Nen tengx biao dauh siang-sienx Yesu nyei lu-Mienh jiex wuom nyei leiz.

Betv Hlaax Saengh Betv, Fin-Saeng mbuo yiem Pac O Laangz tengx 23 dauh jiex wuom nyei leiz. Ninh mbuo njaaux jienv Kuv Fienx mingh, wuov deix siang-sienx mienh ngorc oix hiuv hngv haaix nor zoux horpc gan longx Tin-Hungh yaac oix liepc siang jiu-baang. Nqa'haav fin-saeng mbuo yiem Ban Dac laangz tengx 24 dauh jiex wuom nyei leiz liuz, tengx ninh mbuo liepc norm jiu-baang yiem wuov.

Dang Duc Long caux Dang Duc Thua (zinh ndaangc jaav-hungh nyei i dauh sai-gorx) yaac goiv hnyouv sienx Yesu. Ninh mbuo gengh sienx duqv wuonv, cuotv mingh Na Pan laangz zunh kuv fienx bun Trieu Duc Hong nyei hmuangv doic yietc zungv goiv hnyouv sienx Tin-Hungh. Leiz Tien Trinh, yietc dauh maaih mengh hoc nyei lu-Mienh yiem ninh mbuo nyei biao yaac caux jienv zipv Tin-Hungh. Duc Long caux Duc Thua yaac dorh jienv Kuv Fienx cuotv mingh zunh yiem wuov buoqv da'luonh zuonv nyei laangz, liemh jienv Khao Bao, Tan Tri, caux Tran Yen.

Leih maiv go 1942 lorz 1950 wuov deix hnyangx-dauh yiem Tran Yen nyei jiu-baang gengh hiaangx faaux siepv gau. Bac Son buonv-deic maaih mienh sienx Yesu yiem Na Ca, Pac O, Ban Dac, caux jienv da'luonh zuonv laangz nyei lu-Mienh. Fin-Saeng mbuo yaac njaaux hngv haaix nor Jiex Yesu Cuotv Seix Zipv, dorh leiz-baaix, caux hngv haaix nor ceix jiu-baang. Leiz, Duc Chau yaac duqv fiev diuh nzung gorngv, "Goiv hnyouv nyiemc zuiz, daaih sienx Tin-Hungh liuz mbuo cingx haih duqv yietc liuz nyei siangziangh maengc."



Daauh norm lu-Mienh Jiu-baang yiem Lang Son Saengv, Janx-Zei Guoqv, 1940 hnyangx-daaub. Naaiv fangx biux mengh Jiu-baang se yiem zuqc mbong zaangc nyei dorngx.



Naaiv se ih jaax hnoi Bac Son nyei lingh baengh. Daauh baan sienx Yesu nyei mienh caux ih jaax hnoi sienx nyei mienh corc yiem naaiv buoqv mbong nyei.

Yiem 1942 taux 1950, hietc hnyangx nyei dorngx, cuotv domh wuon-baengc hoic wuov deix buonv-deic dorngx mienh gamh nziex haic. Maaih mienh camv naaic, "Mbuo gan haaix diuh jauv gauh longx orqv? Sienx Yesu gauh longx fai zaangc mienv gauh longx?" Wuon-baengc faaux taux m'ngorngv-famv nor mienh camv gorngv naaiv se weic mienv muoqv oix zuqc gaanv deix sipv mienv cingx daaih haih longx hnangv. Yiem naaic daaih maiv maaih haaix dauh yiem Tran Yen laangz daaih sienx Yesu. Zoux gau kungx nduqc buonc mienh

Yiem Lan Ca laangz sienx Yesu hhangv. Dongh Dangc Duc Lien nyei die butv baengc a'lamh daic wuov zanc, ninh yaac aapv ninh nyei hmuangv doic cuotv Yesu, m'baac ninh nyei fu'jueiv ziepc zuoqv nyei sienx longx Tin-Hungh.

Yiem 1950 wuov maaih buo dauh Fin-Saeng: (Dangc Duc Long, Dangc Duc Thua caux Dangc Duc Tinh) dingc hnyouv fongc horc maengc zoux Tin-Hungh nyei gong. Mv baac ninh mbuo buo dauh buangh zuqc ziex nyungc gingh borqc seix hnyouv nyei sic. Zoux gau kungx Dangc Duc Long ziepc zuoqv hnyouv fu-sux Tin-Hungh hhangv. Yietc norm leiz-baaix jhex yietc norm leiz-baaix, ninh mbuo cuotv mingh zunh kuv fiensex bun ziex normm jiu-baang. Maiv gunv ndoqc ninh maiv tuix bouc guangc Tin-Hungh. Ninh cuotv mingh mangc Jiu-baang, tengx Jiu-baang mienh daux gaux weic ninh mbuo buangh zuqc kouv naanc nyei jauv. Taux naaiv deix ziangh hoc jiu-baang maaih camv nyei mv baac gengh mau haic, weic zuqc maiv maaih jiu-baang bieiv dorh longx ninh mbuo. Liuz nqa'haav deic-bung jhex gorn goiv yienc camv jienv mingh.

Gongx Ciangv Nzaeng Bieqc Janx-Zei Guoqv Mborqv nyei Domh Jaax

Tov mangc gu'nguaaic yie gorngv nqa'haav-laai wuov deix waac, "*deic-bung jhex gorn goiv yienc ...*" Hnamv daaih goiv yienc nyei yietc nyungc se Gongx Ciangv nzaeng gunv deic-bung camv jienv faaux yaac jangv jienv mingh. Zinh ndaangc 1920 wuov zanc maaih mienh beic ndiev daav za'eix tengx Gongx Ciangv tiuv Janx-Zei Guoqv nyei ziu-dingh. Yiem 1941 wuov hnyangx, Ho Chi Minh bieqc taux Baqv Bung Janx-Zei guoqv liepc Viet Minh mborqv jaax dorngx. Liuz yiem 1959 wuov hnyangx, Baqv Bung Janx-Zei guoqv nyei Gongx Ciangv guan aengx mborqv bieqc Laauv-Guoqv. Yiem 1961 daaih wuov douc Gongx Ciangv zorqv 30,000 dauh baeng dorh mingh longc zoux jauv yiem Lauv-deic mingh taux wuov ndiev Ka'menx deic-bung (Cambodia) se weic oix mborqv zorqv Naamh Bung Janx-Zei Guoqv. Yiem 1975 wuov hnyangx ninh mbuo yaac nzaeng duqv Janx-Zei Guoqv nzuonx daaih gapv jienv tong leiz liepc benx yietc norm deic-bung, cuotv siang-mbuox heuc Janx-Zei Zuangx Baeqc Fingx nyei Guoqv. (Socialist Republic of Vietnam fai SRVN), ninh mbuo yaac longc Hanoi zoux guoqv-zaangc nyei domh zingh. (Yie laengz zingh camv Wikipedia Encyclopedia fiev naaiv deix jauv-louc gorngv taux "Gongx Ciangv bieqc Janx-Zei Guoqv nyei Jauv.")

Mv baac bun mbuo aengx daaux nqaang daaih doqc jienv Bac Son Yesu Mienh nyei jauv-louc mingh.

Wuov zanc yaac maaih mienh camv nyei biaux mingh yiem Phuc Tien laangz, weic oix lorz nyanc hopv yungz maengc. Liuz sienx Yesu Mienh aengx gapv zunv daaih ceix jiu-baang, njaaux Tin-Hungh nyei kuv fiensex laanh tengx laanh hoqc hiuv Ging-sou.

Yiem 1962 wuov hnyangx yiem Bac Son deic maaih 25 buonc mienh sienx Tin-Hungh, mienh laanh maaih 138 dauh. Yiem naaic daaih, hnoi jhex hnoi maaih mienh jaa sienx camv jienv faaux. Mv baac ninh mbuo maiv maaih bieiv zeiv mienh, gengh qiensex zuqc fin-saeng dorh ninh mbuo. Liuz taux Leiz Nho Quy's nyei auv nzuonx seix nyei ziangh hoc, Bui Hoang Thu Fin-Saeng daaih tengx fungx sei. Fungx liuz sei, Fin-Saeng tengx orn bieiv zeiv dorh ninh mbuo. Ninh orn Trieu Van Minh zoux Jiu-baang bieiv liuz orn Leiz Nho Quy caux Leiz Tien Trinh zoux borng-buoz mienh. Ninh mbuo maiv nangc haih dorh jiu-baang, liuz hungh jaa yaac lorz sic hoic ninh mbuo hhangv. Yiem 1965 taux 1970 Yesu mienh jorm hnyouv gan longx Tin-Hungh, mienh camv nyei goiv hnyouv sienx Yesu.

Yiem 1967 wuov hnyangx Vi Van Chanh Fin-Saeng duqv nzuonx seix mingh liuz maiv maaih haaix dauh dorh yungh guanh aqv. Maaih ziex norm jiu-baang guangc maiv mingh zoux leiz-baaix, gorqv-mienh ei ganh nyei hnyouv zoux hngangv. Ninh mbuo kungx hiuv duqv haaix zanc maaih sic kuonx hnyouv nor tov jiu-baang doic tengx daux gaux hngangv. Ninh mbuo hnamv Tin-Hungh caux sienx fim nyei jauv gengh mau gau.

Yiem 1968 wuov hnyangx ziex norm jiu-baang buangh zuqc kouv naanc camv gau. Phan Nam Toan bun deix ndau jiu-baang mienh muoz longc zuangx lai nyanc. Maaih dauh mienh lunx mienh heuc Bien Sinh Vinh fongc horc ninh nyei maengc fu-sux Tin-Hungh, maiv gunv buangh haaix nyungc ninh laengz zoux. Ninh yaac gengh buangh ziex nyungc kouv naanc, mv baac ninh jorm hnyouv gau zoux Tin-Hungh nyei gong. Yiem 1969 wuov hnyangx ninh duqv tov Leiz Tai Hoi caux ninh mingh Hanoi, ninh maiv taux jiex nyei dorngx, lorz sienx Yesu mienh nyei gorn. Taux leiz-baaix dorngx ninh buatc Bui Hoang Thu Fin-Saeng, ninh mbuo i dauh gengh a'hneiv orn-lorqc gau duqv buangh doic. Fin-Saeng Thu naaic ninh mbuo, "Meih mbuo daaih lorz deix haaix nyungc fai?" Ninh mbuo dau, "Yie mbuo oix jiex wuom nyei leiz." Fin-Saeng mbuox ninh mbuo yiem jienv wuov, ninh njaaux Ging-Sou i ziex hnoi liuz cingx tengx ninh mbuo jiex wuom nyei leiz.

Yiem 1970 mingh lorz 1980 naaiv deix ziangh hoc, weic Tin-Hungh nyei hnamv caux en, Bac Son nyei ziex norm jiu-baang caux domh zuangx jiu-baang maaih jiu-tong horpc fim dongh eix. Yiem 1970 wuov hnyangx Bac Son jiu-baang bieiv tov Janx-Zei Guoqv hung haa bun ninh mbuo caux Hanoi jiu-baang jiex Yesu Cuotv Seix Zipv yiem Hanoi domh zingh. Ninh mbuo maiv duqv nqoi nzuih fiensex mv baac ninh mbuo daamv hlo nyei gapv jienv jiex Yesu Cuotv Seix Zipv yiem Hanoi domh zingh.

Taux 1971 nyei hnyangx-dueiv maaih buo dauh mienh mingh Hanoi lorz Fin-Saeng Thu tengx ninh mbuo jiex wuom nyei leiz. Yiem Hmz Hlaax 1973 wuov hnyangx jiu-baang gorn, heuc ziex norm jiu-baang gapv jienv koi ninh mbuo nyei 17 wuov nzunc wuic yiem Bac Son yaac gengh maaih ziex norm jiu-baang bieiv zeiv daaih juangc jienv wuov koi wuic. Yiem 1977 wuov hnyangx yiem Binh An laangz maaih dauh sieqv-dorn-yaang duqv 17 hnyangx nyei dorngx zuqc mienv bieqc ninh. Ninh nyei hmuangv doic yaac sipv mienv camv gau mv baac gunv zoux gunv kouv jienv mingh hngangv. Ninh mbuo dorh wuov dauh sieqv bun sienx Yesu mienh tengx daux gaux. Tin-Hungh dau ninh mbuo nyei daux gaux waac zunc mienv cuotv. Naaiv benx kuv fiensex zunh taux ziex norm dorngx, weic naaiv maaih 20 buonc mienh yiem wuov goiv hnyouv daaih sienx Ziouv Yesu. Nqa'haav naaiv buonc sienx Yesu mienh nyei biauv zuqc douz buov qui nzengc, mv baac sienx Yesu mienh buangv hnyouv fongc horc nyaanh tengx ninh mbuo qiensex zuqc nyei nyungc-nyungc.

Yiem 1991 wuov hnyangx yiem Bac Son jiu-baang maaih 40 dauh mienh jiex wuom nyei leiz. Yiem 1993 wuov hnyangx yaac aengx maaih 53 dauh mienh jiex wuom nyei leiz. Yiem 1997 wuov hnyangx yaac maaih i dauh fin-saeng tengx jiex gorn ceix faaux 5 norm siang-jiu-baang yiem naaiv buonv-deic laangz: Lan Gha, Pa O, Norkv Morh, Ma Ging, caux Lern Namc. Yiem 1999 wuov hnyangx gengh duqv siang-sienx Yesu Mienh camv haic. Liuz Faah Hlaax 14, 2000 wuov hnyangx, Janx-Zei Guoqv nyei hung haa nqoi nzuih bun ninh mbuo benx tong hung haa nyei jiu-baang yiem Bac Son deic. Wuov zanc jiu-baang maaih hngangv naaiv: Phuc Tien (Fukv Dienx), Nah Morh, Binh An (Baengh Orn), Khau Bao (Kau Mbau), Ndoqv Nangv, Suoi Da (Ndoqv Dau), Norkv Morh, Lern Namc, Ma Ging, caux Pa O (Bav Or).

Yiem 2003 wuov hnyangx, Bac Son nyei buonh deic jiu-baang maaih 287 buonc sienx Yesu mienh, yietc zungv maaih 2,109 dauh mienh mv baac maaih 1,206 duqv jiex wuom nyei leiz hnavg. Yiem wuov zanc daaih taux ih jaax hnoi yaac maaih ziex dauh duqv mingh hoqc zoux bieiv zeiv cuotv daaih aqv. Yiem 2004 wuov hnyangx, hung h jaa yaac duqv nqoi nzuih bun yiem Bac Son wuov buoqv dorngx nyei jiu-baang gomv leiz-baaix dorng. Ninh mbuo jang-jang gomv duqv yietc buonc hnavg, Leiz Zanx Liouh Fin-Saeng nzuonx seix mingh caux Tin-Hung h yiem mi'agv., Liuz Longh Siouc Fin-Saeng faaux daaih zoux siang-fin-saeng. Dor-ziec Tin-Hung h bun mienh maaih hnyouv fongc horc nyaanh zoux ziangx leiz-baaix dorng yiem 2010 wuov hnyangx. Ninh mbuo fongc horc leiz-baaix dorng bun Tin-Hung h ziangx mingh maiv lauh, Longh Siouc Fin-Saeng yaac aengx guei seix nzuonx caux Tin-Hung h yiem mi'agc. Liuz domh jiu-baang gorn paaiv siang-fin-saeng mingh fu-sux naaiv norm jiu-baang 2011 taux ih jaax hnoi (2017).

Naaiv deix Bac Son nyei jiu-baang jiex gorn daaih yiem 1938 taux ih zanc duqv 79 hnyangx aqv. Ninh mbuo buangh ziex nyungc kouv haic nyei naanc zingh, mv baac ninh mbuo sienx wuonv Tin-Hung h taux ih hnoi. Tin-Hung h nyei qaqv tengx ninh mbuo diev duqv hingh jiex ziex nyungc naanc zingh taux ih zanc. Tengx yie fiev naaiv deix jauv-louc nyei mienh, yaac maiv haih fiev nzengc nyungc-nyungc an naaiv sou, mv baac fiev duqv mbuoqc naaiv se weic bun mbuo duqv buatc deix fangx zeiv tengx mbuo bieqc hnyouv taux jiex daaih nyei jauv-louc hnavg haaix nor. Mbuo yaac hiuv duqv Tin-Hung h goux jienv Ninh nyei jiu-baang hingh jiex yietc kang jiex yietc kang nyei kouv naanc taux ih jaax hnoi. Yie za'gengh buangv hnyouv buangx eix laengz zingh Tin-Hung h caux tengx fiev naaiv deix sou nyei mienh, ninh mbuo hnavg naaiv gorngv:

“Weic naaiv, yie mbuo yietc zungv fiev naaiv buonv sienx Yesu Mienh nyei jauv-louc sou nyei mienh. Yie mbuo tov fongc horc nzengc nyungc-nyungc bun mbuo nyei cing-nzengc haic nyei Lungh Zaangc Diex Ziouv Tin-Hung h, Tin-Hung h nyei Ndoqc Dorn Ziouv Yesu, caux bun Singx Lingh. Yie mbuo maiv haih lorz duqv waac gaux daaih ceng caux laengz zingh mbuo nyei Tin-Hung h. Tov Tin-Hung h ceix fuqv bun Ninh nyei jiu-baang, yiem jomc gaav-naanh nyei dorngx cuotv daaih bun ninh mbuo maaih gaux longc, dorh jienv ninh mbuo yiem mau nyei dorngx cuotv daaih taux haih maaih qaqv nyei dorngx, dorh jienv ninh mbuo yiem maiv haih hlo nyei dorngx cuotv daaih hlo jienv mingh.”

Yiem 2013 mingh lorz 2015 yiem Bac Son buonh deic jiu-baang maaih 18 dauh zunh doz mienh tengx zoux Tin-Hung h nyei gong. Yiem yietc hnyangx gu'nyuoz ninh mbuo fungx 300 dauh fu'jueiv mingh hoqc Ging-Sou. M'sieqv dorn wuic maaih taux 200 dauh bieqc wuic. Mienh lunx mienh wuic maaih taux 200 dauh bieqc wuic. Hnyang-hnyangx maaih 2 norm wuic tengx fin-saeng caux ninh mbuo nyei auv, yietc zungv maaih 150 dauh mienh nyei dorngx bieqc wuic. Buo hlaax nyieqc maaih yietc norm njaaux fu'jueiv nyei fin-saeng wuic, nzunc-nzunc bieqc wuic maaih taux 150 dauh nyei dorngx.

Yiem 2015 wuov hnyangx daaih maaih 16 norm lu-Mienh nyei jiu-baang Yiem Bac Son buonv-deic, Lang Son Saengv. Naaiv se ei hnyangx-dauh nzutv norz sienx Tin-Hung h mienh nyei daan:

Hnyangx daauh	Mienh Buonc	Mienh Laanh	Jiex Leiz Mienh laanh
2013	459	2152	1226
2014	475	2248	1323
2015	482	2311	1382

Naaiv norm qorng zeiv tengx mbuo buatac yiem 3 hnyangx gu'nyuoz, Janx-Zei Guoqv deic-bung wuov wuonc dornghx jiu-baang gengh deng jienv hiaangx faaux

Laengz zingh Ziouv Tin-Hungh muangx haiz mienh camv nyei daux gaux waac. Yiem 2012 mingh tauv 2015 nyei hnyangx-daaux maaih ziex norm Bac Son buonh deic nyei jiu-baang gomv duqv ninh mbuo ganh nyei leiz-baaix dorngh. Ih zanc naaiv deix jiu-baang hiaangx siepv gau, maiv maaih bieiv zeiv gaux tengx zoux gong.

Yiem 2006 wuov hnyangx yaac maaih njaaux Ging-Sou horqc yiem Saigon domh zingh (Ho Chi Minh) liuz naaiv deix jiu-baang fungx 4 dauh mingh hoqc Ging-Sou yiem wuov. Yiem 2007 wuov hnyangx ninh mbuo aengx fungx 4 dauh mingh hoqc Ging-Sou. Yiem 2015 wuov hnyangx ninh mbuo fungx yietc dauh mingh hoqc hnavg.



Loz-hnoi sienx Yesu lu-Mienh caux jienv C&MA haengh douh, benx World Vision, David Fitzstevens nyei ong, tengx lu-Mienh yiem Taiv-Deic sunx




Loz-hnoi sienx Yesu mienh, benx Leiz, Tzan Liouh nyei die.



Leiz, Zanx-Liouh (Lei, Tzan Liou) caux ninh nyei auv, zoux jiu-baang bieiv nzuonx seix leih maiv go 2010 wuov hnyangx.



'Sieqv dorn jiex wuom nyei leiz, yiem Lang
Son Saengv,
1994 wuov douc hnyangx daauh.



Naaiv deix fangx se yiem Pourret fiev nyei
sou-ndopv, m'sieqv dorn geh maaz yiem
Janx-Zei guoqv, yiem 1990 nyei dornx.

Yiem Ziepc Nyeic Hlaax 1949 Gongx Ciangv gunv nzengc Zong Guoqv Deic-Dung.

Liuz nqa'haav Gongx Ciangv gunv nzengc Janx-Zei Guoqv, caux Laauv-Guoqv Deic-Bung mi'aqv. Maaih ziex dauh haengh douh zuqc biaux cuotv Zong Guoqv Deic-Dung. Maaih deix yaac biaux bieqc Taiv-Deic, maaih deix maiv duqv bieqc mv baac nqa'haav cingx duqv bieqc Taiv-Deic caux lu-Mienh zoux gong yiem wuov. Hnangv naaiv jiex mingh, camv-zaang sou gorngv taux Kuv Fienx nyei gong hnangv haaix nor hiaangx yiem Taiv-Guoqv lu-Mienh mbu'ndongc, 1950 wuov hnyangx jiex gorn mingh ziex ziepc hnyangx nyei jauv-louc. Liuz nqa'haav-laai i ziex zaang gorngv taux Laauv Guoqv, Janx-Zei Guoqv, Zong Guoqv caux jienv deix fai-bung deic-bung nyei jauv-louc.

Meih yiem naaiv doqc jienv mingh ziouc buac maaih deix ziangh hoc Kuv Fienx gong gengh mingh duqv donc gau. Ninh mbuo buangh zuqc faix hnyouv nyei sic yiem Zong Guoqv caux Janx-Zei Guoqv daaih hnangv loz-hnoi cuotv nyeic guoqv nyei haengh douh fih hnangv nyei buangh zuqc wuov nor. Mv baac Tin-Hungh ceix fuqv bun Kuv Fienx nyei Waac mingh taux ziex norm dornx. Ih zanc yaac maaih ziex cin lu-Mienh nyei lingsh wuonh duqv njoux benx Tin-Hungh nyei naamh nyouz yiem E^sie domh Ziou Fouv nyei deic-bung. Ceng Zaang Diex weic Ninh nyei ziepc zuoqv hnyouv!